

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i članova 39. stav (3) i 52. stav (1) i (3) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva zdravstva, Vlada Zeničko-dobojskog kantona, na 115. sjednici, održanoj 30.01.2026. godine,
d o n o s i

O D L U K U

o usvajanju Programa utroška sredstava u razdjelu 21 - Ministarstva zdravstva na poziciji „Transfer drugim nivoima vlasti“ - „Tekući transfer za JU Institut za zdravlje i sigurnost hrane Zenica za istraživanje“ – Izvor 10 Budžeta Zeničko-dobojskog kantona za 2026. godinu

Član 1.

(Predmet)

Usvaja se Program utroška sredstava u razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 – „Transfer drugim nivoima vlasti“, subanalitika LAX012, pozicija „Tekući transfer za JU Institut za zdravlje i sigurnost hrane Zenica za istraživanje” - Izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), u ukupnom godišnjem iznosu od 50.000,00 KM (slovima: pedesthiljada konvertibilnih maraka) koji čini sastavni dio ove odluke.

Član 2.

(Način realizacija sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-1911/26

Datum, 30.01.2026. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M

utroška sredstava u razdjelu 21 - Ministarstva zdravstva na poziciji „Transfer drugim nivoima vlasti“ - „Tekući transfer za JU Institut za zdravlje i sigurnost hrane Zenica za istraživanje“ - Izvor 10 Budžeta Zeničko-dobojskog kantona za 2026. godinu

I. PREDMET PROGRAMA

Ovim programom utroška sredstava utvrđena je namjena utroška sredstava planiranih u Budžetu Zeničko-dobojskog kantona za 2026. godinu u razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 – „Transfer drugim nivoima vlasti“, subanalitika LAX012, pozicija „Tekući transfer za JU Institut za zdravlje i sigurnost hrane Zenica za istraživanje“ - Izvor 10.

II. SVRHA PROGRAMA

Svrha ovog programa je finansijska podrška Vlade Kantona kroz finansiranje programa javnozdravstvenih istraživanja koje provodi JU Institut za zdravlje i sigurnost hrane Zenica na području Zeničko-dobojskog kantona, a u skladu sa članom 13. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13).

Sredstvima iz Budžeta Zeničko-dobojskog kantona za 2026. godinu bit će finasiran program pod nazivom „Rani skrining FH kod djece školskog uzrasta - validacija modela i javno-zdravstveni potencijal u Zeničko-dobojskom kantonu“.

Finansiranje projekta je opravdano zbog visokog javnozdravstvenog značaja porodične hiperholesterolemije (FH), čije rano otkrivanje u djetinjstvu omogućava prevenciju prijevremenih kardiovaskularnih bolesti i značajno smanjuje dugoročne troškove liječenja

Cilj ovog programa je validirati dijagnostičku tačnost strukturiranog roditeljskog upitnika i kapilarnog POC testiranja, pojedinačno i u kombinaciji, za rano otkrivanje FH kod djece školskog uzrasta.

III. VISINA SREDSTAVA

Sredstava utvrđena ovim programom iznose na godišnjem nivou 50.000,00 KM (slovima: pedesethiljada konvertibilnih maraka).

IV. IZVORI SREDSTAVA

Izvor sredstva za finansiranje ovog programa su planirana sredstva u Budžetu Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – „Tekući transfer drugim nivoima vlasti“, subanalitika LAX012, pozicija „Tekući transfer za JU Institut za zdravlje i sigurnost hrane Zenica za istraživanje“ - Izvor 10.

V. KORISNIK SREDSTAVA

Krajnji korisnik Programa je JU Institut za zdravlje i sigurnost hrane Zenica, čiji je osnivač Vlada Zeničko-dobojskog kantona, koja sukladno članu 13. Zakona o zdravstvenoj zaštiti provodi mjere za unapređenje zdravlja i prevenciju bolesti na području kantona.

VI. KRITERIJ ZA RASPODJELU SREDSTAVA

Kriteriji raspodjele sredstava je Plan utroška sredstava - Programi javnozdravstvenih istraživanja Institut za zdravlje i sigurnost hrane Zenica broj: 02-77/26 od 09.01.2026. godine koji je JU Institut za zdravlje i sigurnost hrane Zenica dostavila Ministarstvu zdravstva.

Specifični ciljevi programa su:

1. Procijeniti prevalencu djece sa povišenim LDL-holesterolom kompatibilnim s mogućom porodičnom hiperholesterolemijom u 11 općina/gradova Zeničko-dobojskog kantona
2. Uporediti dijagnostičku tačnost roditeljskog upitnika, kapilarnog POC testa i kombinovanog modela u odnosu na referentni standard (venozni lipidogram i preporučena generska potvrda)
3. Izvršiti analizu troškovne učinkovitosti različitih modela skrininga (upitnik, POC test i kombinovani model).
4. Procijeniti izvodljivost i prihvatljivost u različitim općinama i školskim kontekstima
5. Javnozdravstveni potencijal: procjena obuhvata, troška, uticaja na upućivanje i dugoročne ishode.

Transferisanje sredstava JU Institut za zdravlje i sigurnost hrane Zenica vršit će se u skladu sa odlukom o odobravanju sredstava.

Za transferisanje sredstava korisniku ovog programa zadužuju se Ministarstvo zdravstva i Ministarstvo finansija, svako u okviru svoje nadležnosti.

VII. IZVJEŠTAVANJE KORISNIKA

JU Institut za zdravlje i sigurnost hrane Zenica dužna je izvjestiti Ministarstvo zdravstva o namjenskom utrošku sredstava na način kako će biti utvrđeno odlukom o odobravanju sredstava, a u skladu sa Planom utroška sredstava iz tačke VI. Kriteriji za raspodjelu sredstava uz dostavljanje izvještaja o realizaciji programa u kojem je obavezno navođenje postignutih učinaka dodjeljenih sredstava sa prezentiranim mjerljivim pokazateljima (indikatorima).

VIII. IZVJEŠTAVANJE MINISTARSTVA

Ministarstvo zdravstva dužno je, u skladu sa članom 52. stav (4) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25) o utrošku sredstava po ovom programu polugodišnje izvještavati Vladu Zeničko-dobojskog kantona.

Broj: 02-11-1911/26

Datum, 30.01.2026. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.